



VENDIMI ËSHTË I PLOTFUQISHËM
ODLUKA JE PRAVNOSNAŽNA
GJYKATA THEMELORE / OSNOVNI SUD
FERIZAJ / UROŠEVAC

Më
Dana 27 04 2018

P.nr.3085/2017

NË EMËR TË POPULLIT

Gjykata Themelore në Ferizaj – Departamenti i Përgjithshëm, gjyqtari Adem Shabani, me pjesëmarrjen e zyrtarit ligjor Blend Rexhepi, procesmbajtës, në lëndën penale kundër të akuzuarëve [REDACTED], nga [REDACTED] Republika e Shqipërisë, për shkak të veprës penale lëndimi i lehtë trupor nga neni 188 par.I nën par.1.4 të KPRK-së, dhe [REDACTED] nga fshati [REDACTED] Komuna Ferizaj, përshka të veprës penale kanosje nga neni 185 par.1 të KPRK-së, sipas aktakuzës së Prokurorisë Themelore në Ferizaj – Departamenti i Përgjithshëm nën numrin PP.II.nr.2510-5/2015 të datës 05.12.2017, pas mbajtjes së seancës fillestare në praninë e Prokurorit të Shtetit Mimoza Sylja, të akuzuarëve [REDACTED] dhe [REDACTED] me datë 23.03.2018, publikisht morri dhe shpalli këtë:

AKTGJYKIM

Të akuzuarit:

1. [REDACTED], nga [REDACTED] Republika e Shqipërisë, me vendbanim në Ferizaj, në rrugën [REDACTED], i lindu me datë [REDACTED], në [REDACTED] Republika e Shqipërisë nga i ati [REDACTED] dhe nëna [REDACTED], mbiemri i vajzërisë [REDACTED], me arsimim fillore, i gjendjes së dobët ekonomike, mbrohet në liri.

2. [REDACTED] nga fshati [REDACTED] Komuna Ferizaj, e lindur më [REDACTED] [REDACTED] shtetase e republikës së Kosovës, nga i ati [REDACTED] dhe nëna [REDACTED] mbiemri i vajzërisë [REDACTED], ka të kryer shkollën fillore, e martuar nënë e katër fëmive e gjendjes së dobët ekonomike, mbrohet në liri.

JANË FAJTOR

I akuzuarit - [REDACTED]

Me datë 18 Dhjetor 2015 rreth orës 01:00 në rrugën "Halil Alidema", në Ferizaj, i pandehuri e lëndon të dëmtuarin [REDACTED] në atë mënyrë që pas një fjalosje të ndodhur aty, e godet të njëjtin me grushta dhe shqelma duke i shkaktuar lëndime trupore, e që bazuar në mendimin dhe konstatimin e ekspertit mjeko ligjor të datës 17 Maj 2017, lëndimet e tilla bëjnë pjesë në lëndime të lehta trupore dhe me pasoja të përkohshme për shëndetin,-

- Me të ka kryer veprën penale lëndimi i lehtë trupor nga neni 188 par.I nën par.1 të KPRK-së.

E akuzuara [REDACTED]

ËSHTË FAJTORE

Sepse me 18 Dhjetor 2015, rreth orës 21:00, në Ferizaj, e ka kanosur të dëmturen [REDACTED] në atë mënyrë që përmes një mesazhi e kanos m fjalët "kesh te banesa, nuk kishte qenë aty se ju kisha mbytur krejtëve", me ç'rast kjo kanosje ka shkatuar shqetësim dhe frikë tek e dëmtuara,-

Gjykata në bazë të neneve 4, 7, 41, 46, 49, 50, 51, 52 dhe 73 të KPRK-së, dhe nenit 365 të KPPK-së të akuzuarit i

GJYKON

I. Të akuzuarit [REDACTED], për veprën penale që akuzohet për pikën e parë të dispozitivit të aktakuzës i shqipton dënimin me gjobë në shumë prej 200 /dyqindë/ Euro, të cilin dënim me gjobë, nga rrethanat e arsyeshme i mundëson ta paguan me këste për një priudhë prej katër muajëve, konform nenit 46 par.2 të KPRK-së, nga dita e plotëfuqishmërisë së këtij aktgjykimi.

Në rastë se personi i dënuar nuk dëshiron ose nuk mundet ta paguan dënimin në të holla, sipas nenit 46 par.3 të KPRK-së, i njëjti dënim do t'i shndërrohet në dënim me burgim ashtu që për çdo 20 Euro, do t'i llogaritet një (1) ditë burgim.

Obligohet i akuzuari të paguaj shpenzimet e procedurës penale për ekspertizën mjekoligjore shumë prej 20 Euro, si dhe paushallin gjyqësor në shumë prej nga 20 (njëzetë) Euro, të gjitha këto në afat prej 15 ditësh nga dita e plotëfuqishmërisë së këtij aktgjykimi, nën kërcënim të përmbarimit të dhunshëm

Obligohet i akuzuari të paguaj taksën në shumë prej 30 Euro, konform nenit 39 paragrafi 3 nënparagrafi 3.1 të Ligjit për Kompenzimin e Viktimave të Krimit.

I dëmtuari [REDACTED] nga Prishtina, rruga e [REDACTED], për realizimin e kërkesës pasuroro-juridike udhëzohen në kontest civil.

II. Të akuzuarës [REDACTED] për veprën penale për pikën dy të dispozitivit të aktakuzës i shqipton shqiptohet dënimin me kusht me burg prej 3 (tre) muajve, të cilat dënime nuk do të ekzekutohen nëse e akuzuara në afatin prej 1 (një) viti, nga dita e plotëfuqishmërisë së këtij aktgjykimi nuk kryen veprë tjetër penale.

Të dëmtuarën [REDACTED] nga ferizaj, rruga [REDACTED], për realizimin e kërkesë pasuroro-juridike është udhëzuar në në kontest civil.

Obligohet ei akuzuari të paguaj shpenzimet e procedurës penale- paushallin gjyqësor në shumë prej nga 20 (njëzetë) Euro, dhe taksën në shumën prej 30 Euro, konform nenit 39 paragrafi 3 nënparagrafi 3.1 të Ligjit për Kompenzimin e Viktimave të Krimit, të gjitha këto në afat prej 15 ditësh nga dita e plotëfuqishmërisë së këtij aktgjykimi, nën kërcënim të përmbarrimit të dhunshëm.

Arsyetim

Prokuroria Themelore në Ferizaj – Departamenti i Përgjithshëm, ka parashtruar aktakuzë nën numrin PP.II.nr.2510-5/2015 të datës 05.12.2015, kundër të akuzuarëve [REDAKTUAR] nga [REDAKTUAR] Republika e Shqipërisë, për veprën penale lëndimi i lehtë trupor nga neni 188 par.1 nën par.1.4 të KPRK-së, dhe [REDAKTUAR] nga fshati [REDAKTUAR] Komuna Ferizaj, për veprën penale kanosje nga neni 185 par.1 të KPRK-së.

Gjykata duke vepruar rreth kësaj çështje penale konform nenit 245 par.1 të KPPRK-së me dt.23.03.2018, ka mbajtur shqyrtimin fillestar në të cilin kanë marrë pjesë prokurori i shtetit, të akuzuarit.

Në fillim të shqyrtimit fillestar të akuzuarit janë udhëzuar në kuptim të nenit 246.1 të KPPRK-së pastaj gjyqtari gjykues ka çmuar se të dërgjtat e të akuzuarëve janë rerspektuar, e më pas prokurori i shtetit ka lexuar aktakuzën të akuzuarëve dhe pasi që gjyqtari është bindur se të njëjtët e kanë kuptuar në tërësi aktakuzën me të cilën janë akuzuar, të njëjtëve i ka dhënë mundësi të deklarohen mbi fajësinë apo pafajësinë e tyre lidhur me veprat penale për të cilat akuzohen.

I akuzuari [REDAKTUAR], ka pranuar fajësinë për veprën penale që akuzohet ku për këtë ka deklaruar dhe më parë në polici dhe është e vërtetë se pas një fjalosje të ndodhur aty, e godet me një shuplak të dëmtuarin [REDAKTUAR] pasi aty kishte shkuar qëta merrë bashkëshorten e ku me shoqen e saj [REDAKTUAR] kishte shkuar aty pa e pyetur këtë, i inatosur nuk ka mundur ta kontrollon veten dhe e ka kryer këtë veprë penale i ka propozuar gjykatës që me rastin e shqiptimit të denimit të merrë për bazë thekësimet e cekura si rrethana lehtësuese me rastin e shqiptimit të denimit.

E akuzuara [REDAKTUAR] në shqyrtimin fillestar ka pranuar fajësinë për veprën penale që akuzohet dhe në vazhdim ka deklaruar se është e vërtetë se e ka kanosur të dëmtuarin [REDAKTUAR] me një mesazh përmes telefonit të djalit të saj, e qëllimi i kanosjes ishte që ta frikëson por më nuk i'u është kanosur e tani nuk e di se ku gjindet, ka premtuar se më atë nuk do ta kanosur pasi nuk ka kurfar problemi me të, i ka propozuar gjykatës që me rastin e shqiptimit të denimit të merrë për bazë thekësimet e cekura më lartë pasi gjendjen ekonomike nuk e ka të mirë është nën e katër fëmijëve ku të vetmin burim të të ardhurave e ka ajo që merrë nga puna.

Pas pranimit të fajësisë nga ana e të akuzuarit gjyqtari në kuptim të nenit 248 par.2 të KPPK-së ka kërkuar edhe mendimin e prokurorit të shtetit lidhur me pranimin e fajësisë.

Prokurorja e shtetit Mimoza Syla, në shqyrtimin fillestar ka theksuar se pajtohet me pranimin e fajësisë nga ana e të akuzuarëve pasi të akuzuarit e kanë kuptuar natyrën dhe pasojat e pranimit të fajësisë, pranimin e kanë bërë vullnetarisht dhe e kanë mbështetur në faktet e çështjes që përmban akuzat.

Gjyqtari në kuptim nenit 248 par.1 nën.par.1.1, 1.2, 1.3, 1.4 dhe par.4 të KPPK-së, është bindur se të akuzuarit e kanë kuptuar natyrën dhe pasojat e pranimit të fajësisë, pranimin e kanë bërë vullnetarisht duke e mbështetur në provat që përmban aktakuza dhe atë në deklaratat e dhëna në polici dhe në shqyrtimin fillestar dhe vlerësuar nga aspekti juridik gjykata gjeti se në veprimet e të akuzuarit [REDAKTUAR] manifestohen të gjitha elementet e veprës penale lëndimi i lehtë trupor nga neni 188 par.1 nën par.1.4 të KPPK-së, kurëse te e akuzuara [REDAKTUAR] manifestohen të gjitha elementet e veprës penale kanosje nga neni 185 par.1 të KPPK-së.

Gjykata me rastin e matjes së dënimit ndaj të akuzuarëve vlerësoj të gjitha rrethanat në kuptim të dispozitave të nenit 73 dhe 74 të KPK të cilët ndikojnë në zgjedhjen e llojit dhe lartësisë së dënimit, duke mos e gjetur rrethanat rënduese e si rrethanë lehtësuese është marrë pranimi i fajësisë nga të akuzuarëve, pendimin për veprat penale që i kanë kryer, sjellja e tyre korrekte gjatë gjykimit, rrethanat familjare të akuzuarëve, gjer më tani nuk ka qenë të gjykuar, dhe nga koha kur i kanë kryer këto vepra penale ka kaluar një kohë e gjatë dhe se me të dëmtuarit më nuk kanë patur mosmarrëveshje, bazuar në këto rrethana gjykata i shqiptoi dënimet veç e veç të akuzuarëve për veprat penale që akuzohen si në dispozitiv të aktgjykimit, duke qenë e bindur se një dënim i tillë është në proporcion dhe raport me peshën e veprës konkrete penale, rrethanave të kryerjes si dhe personalitetin e të akuzuarëve dhe me të arrihet qëllimi ndëshkimor në kuptim të preventivës speciale që të akuzuarit të mos kryejë vepra penale në të ardhmen si dhe në kuptim të preventivës së përgjithshme të parandalimit të kësaj veprë penale në shoqëri konform nenit 41 të KPPK-së.

Gjykata konformë nenit 463 paragraf.1 lidhur me par.3 të KPPK-së të dëmtuarit [REDAKTUAR] nga Prishtina, rruga e [REDAKTUAR], dhe [REDAKTUAR] nga Ferizaj, rruga [REDAKTUAR], për realizimin e kërkesës pasuroro-juridike janë udhëzuar në kontest civil.

Vendimi mbi kompensimin e shpenzimeve të procedurës penale dhe paushallit gjyqësor është sjell në bazë të nenit 450 par.2 nënpar.2.6 lidhur me nenin 453 par.1 të KPPK-së dhe nenit 39 paragraf.1 nënpar.3.1 të Ligjit për Kompenzimin e viktimeve të krimit Nr.05/L-036.

Nga të cekurat më lartë u vendos si në dispozitiv të këtij aktgjykimi.

GJYKATA THEMELORE NË FERIZAJ
Departamenti i përgjithshëm-divizioni penal,
P.nr.3085/17 me datë 23.03.2018

Zyrtari Ligjor
Blend Rexhepi



KËSHILLA JURIDIKE: Kundër këtij aktgjykimi është e lejuar ankesa në afat prej 15 ditësh nga dita e pranimit, Gjykatës së Apelit në Prishtinë, përmes kësaj gjykate.